



**Raiffeisen  
Bank**

# **Informacija o GHG emisijama Raiffeisen BANK d.d. Bosna i Hercegovina**

## Informacija o GHG emisijama (emisija stakleničkih gasova) Raiffeisen BANK d.d. Bosna i Hercegovina

U skladu sa Tačkom 4, odn. 4.4. Smjernica za upravljanje rizicima povezanim s klimatskim promjenama i okolišnim rizicima objavljenim u Službenim novinama Federacije BiH br.57/23 (dalje u tekstu: Smjernice), Raiffeisen BANK d.d. Bosna i Hercegovina (u daljem tekstu: Banka) kontinuirano poduzima neophodne aktivnosti kako bi mogla objaviti ukupni GHG finansiranja i sopstveni GHG.

Ovaj proces je proveden u skladu sa standardima, smjernicama i alatima propisanim od strane GHG Protokola<sup>1</sup> uključujući korištenje metodologija za kvantifikaciju emisija, izvještavanje i verifikaciju.

Izračun emisija obuhvatio je sve relevantne izvore emisija unutar operativnog djelokruga banke:

- **Obim (eng. Scope) 1 emisije** – direktne emisije nastale kao rezultat upotrebe službenih vozila, odnosno potrošnje goriva (dizel i benzin) na istim.
- **Obim (eng. Scope) 2 emisije** – indirektne emisije nastale korištenjem električne energije – potrošena energija kupljena od elektroprivrede.
- **Obim (eng. Scope) 3 emisije** – indirektne emisije nastale uslijed glavne djelatnosti Banke – finansirane emisije kroz kredite, odnosno finansijske proizvode.

GHG Emisije u RBBH, za 2024. (\*)

GHG Emisije (tCO <sub>2</sub> e)	2023	2024	Razlike 2024 vs 2023
Obim 1 – direktne	272,9	279,7	+6,8
Obim 2 - indirektne	4.902,3	3.456,6	-1.445,7
Obim 3 – indirektne (fin.)	181.000,0	176.000,0	-5.000,0
<b>Ukupno:</b>	<b>186.175,2</b>	<b>179.736,3</b>	<b>-6.438,9</b>

(\*) NAPOMENA: Podaci za decembar 2024. godine trenutno nisu dostupni Banci. Zbog toga je za ovaj mjesec izvršena aproksimacija emisija stakleničkih gasova (GHG) koristeći podatke iz prethodnih relevantnih perioda, uključujući januar 2024, februar 2024, novembar 2024 i decembar 2023. godine. Ova aproksimacija je izvedena primjenom statističkih metoda koje uzimaju u obzir sezonske varijacije i trendove zabilježene u navedenim mjesecima.

Nakon što Banka dobije tačne i kompletne podatke za decembar 2024. godine, planira se detaljna revizija trenutnog izračuna GHG emisija. Ova revizija će uključivati ažuriranje svih relevantnih podataka i ponovno izračunavanje emisija kako bi se osigurala njihova tačnost i usklađenost sa standardima GHG Protokola. Po potrebi, revidirane vrijednosti će biti dokumentovane i uključene u konačni izvještaj o emisijama za 2024. godinu.

<sup>1</sup> <https://ghgprotocol.org/sites/default/files/standards/ghg-protocol-revised.pdf>

Analizom dostupnih podataka i poređenjem emisija stakleničkih gasova između prošle i tekuće godine, Banka je u 2024 godini uspjela **smanjiti ukupne emisije za 3,46%**. Ovo smanjenje je ostvareno kroz optimizaciju u dva ključna obima:

**1. Obim 2 (Indirektne emisije iz potrošnje energije):**

- a) Implementacija mjera za racionalno korištenje rasvjete, uključujući ugradnju energetski efikasnih rasvjetnih tijela i automatizaciju sistema rasvjete.
- b) Migracija sa fizičkih serverskih jedinica na „cloud“ infrastrukturu, što je rezultiralo smanjenjem potrošnje električne energije i resursa potrebnih za hlađenje serverskih prostorija.
- c) Ugradnja folija na prozore koje propuštaju vidljivu svjetlost, ali smanjuju potrebu za korištenjem energije za grijanje i hlađenje prostorija.

**2. Obim 3 (Ostale indirektne emisije):**

- a. Smanjenje emisija povezanih sa finansiranim aktivnostima kroz primjenu rigoroznih politika i procedura. Banka je aktivno upravljala odnosima i finansiranjem sa klijentima čije osnovne djelatnosti imaju visok intenzitet emisija stakleničkih gasova. Ovo uključuje optimiziranje kreditnog portfolija i ulaganje u projekte sa nižim ugljičnim otiskom.

Ove mjere su dio sveobuhvatne strategije Banke za smanjenje ugljičnog otiska (GHG emisija) i usklađivanje sa međunarodnim standardima za upravljanje klimatskim rizicima.

Raiffeisen Bank d.d. Bosna i Hercegovina  
Sarajevo, 24.12.2024. godine